

Si tache scuele! Conseis par gjenitôrs, insegnants e educadôrs

Cressi cun plui lenghis

Cul mêsi di Setembar i fruts a tornin a scuele compagnâts, intal lôr percors educatîf e formatîf, dai lôr gjenitôrs, dirigjents scolastics e insegnants. La ricjece linguistiche dal nestri teritori e ufrîs aes fameis dal Friûl la oportunitât e i vantaçs di fâ cressi i propis fis e i propis arlêfs bilengâi o plurilengâi; cun di fat in graciis des leçs statâls e regionâls, lis ocasions di esposizion al furlan si son multiplicadis e i fruts a puedin vivi, zuiâ, sperimentâ, imparâ e comunicâ ançe in lenghe furlane.

La scuele, tacant dal cicli de infanzie, e je une ocasion impuartante di aprofondiment de lenghe locâl: lis fameis a puedin sielzi pai lôr fis l'insegnament dal furlan in concomitanza cu la iscrizion, ma a puedin segnalâ la proprie adesion ançe tal principi dal an scolastic.

Al è impuartant duncje che i operadôrs dal mont de scuele a sostegnin lis fameis in cheste siele, ançe par vie che l'insegnament dal furlan al è previodût de L. statâl 492/99 e de L. R. 29/07 tes scuelis de infanzie, primariis e secundariis di prin grât, che si cjatin tal teritori di insediament dal grup linguistic furlan, par almancul 30 oris ad an par classe.

I fruts che i lôr gjenitôrs a sielzin l'insegnament dal furlan a scuele no son par nuie penalizâts; chei che no lu sielzin no fasin plui talian, plui matematiche o plui inglêsi: a fasin i stes percors culturâi dai lôr compagns ma in lenghe taliane, daûr dal Plan de Ufierte Formative.

Cun di plui nol è di dismenteâ che il furlan al pues jessi insegnât cu la



metodologjie CLIL (Content and Language Integrated Learning), vâl a dî che i insegnants a doprin il furlan tant che lenghe di insegnament (e no come materie di insegnament) par spiegâ altris contignûts: a fasin progjets di educazion ambientâl, danze, musiche e altri integrant il procès di aprendiment cul valôr zontât de lenghe, che al intricjîs inmò di plui l'aprendiment.

Un strument impuartant, a disposizion dai insegnants, al è ançe Docuscuele - il Centri di documentazion, ricerece e sperimentazion

didatiche pe lenghe furlane realizât de Societât Filologjiche Furlane e finanziât de ARLeF e de Regjon Friûl-VJ, a disposizion di ducj in insegnants par inçressi la lôr formazion e la condivizion di buinis praticis. Midiant di Docuscuele i insegnants a puedin confrontâsi su esperiencis, progjets e necessitâts. Dutis lis info su www.scuelefurlane.it

Pagjine par cure de ARLeF - Agenzie Regjonâl pe Lenghe Furlane

ARLeF AGENZIE
REGJONÂL
PE LENGHE
FURLANE